

EKALESIA FA'APOTOPOTOGA KERISIANO  
I AMERIKA SAMOA

**'AU TAUMAFAI**

**TUSI FAILOTU**

**2026**



**“MO KERISO MA LE EKALESIA”**

EKALESIA FA'APOTOPOTOGA KERISIANO  
I AMERIKA SAMOA

**'AU TAUMAFAI**

**TUSI FAILOTU 2026**



***'Mo Keriso ma le Ekalesia'***

Laulau Mafutaga Aoa'o 'Au Taumafai EFKAS:  
Edwin Galea'i FT, Peresitene  
Faalili Otineru FS, Failautusi

Saunia leni Tusi Failotu:  
'Aufaigaluega Pulega Ueligitone –  
Malaki Muaiava FT  
Ieremia G. Allen FS  
'Aufaigaluega Pulega Ausetalia –  
Nofoga Onesemo FT  
Matthew Tagaloa FS

## UPU TOMUA

Ua ofoalofa atu ma faatalofa atu i le suafa manumalo o lo tatou Alii o Iesu Keriso le Ao o le Ekalesia. Ua malo le soifua sopolia i le alofa le mavae o le Atua ua tatou aulia mai ai lenei tausaga! Ua malo le onosa'i ma le faamalolosi i lena tausaga ua mou. Ia tumau atu pea i le Atua agalelei le viiga ma le faaneetaga e faavavau, faavavau lava!

O le agaga faafetai e le faaititia lea aua le faaauau o le molimau ia Iesu Keriso e ala i sauniga ma tapuaiga a e maise le sailiili i lana Afioga o le sulu i o tatou vae ma le malamalama i lo tatou ola taumafai.


E momoli atu ai le faafetai tele i le Susuga i le Toeaina Malaki Muaiava FT ma le aufaigaluega o le Pulega Ueligitone, atoa ai le Susuga i le Toeaina Nofoga Onesemo FT ma le aufaigaluega o le Pulega Ausetalia mo le tapenaga mae'ae'a o le tusi failotu o lenei tausaga 2026.

Ua malo faafetai i le nofo i ekalesia o le EFKAS aua lou lima mafola i le faiga taulaga 2025-2026, i Susuga i Toeaina ma Faifeau, a o le loaloa o le aufaigaluega i Susuga i Aoao ma Afioga i Tiakono ae maise tupulaga lalovaoa o le ekalesia. E le gata i lea a o tama ma tina matutua atoa ai lala o e o loo faaauau le galuega o le lagolagoina o sauniga ma tapenaga uma o le Mafutaga a le Au Taumafai.

Faafetai i le Failautusi Aoao ma le Ofisa Tutotonu i le Afioga i le Taitaifono ma le laulaufono aua le fesoasoani taua i le faamaopoopoina o galuega a le Komiti ae maise fonotaga i luga o le zoom. Ua malo galulue. Faafetai fai ekalesia.

Ua tuua le Komiti e le Tama Toeaina Iosefa Autele, FTM ua feagai ma gasegase o le tino ma ua malolo mai tofiga. Ia foi e le Atua le malosi faasili ma ia maua le loto tele mo le toeaina ma le faletua ma le fanau. Ae maise foi le Susuga i le Teutupe o le Faafeagaiga Samuelu Tialavea, FS aua le valaauina i se tasi o ekalesia UCC (First Samoan Congregational Church in San Francisco). Ia faamanuia le Atua ma fesoasoani lona Agaga i lana auauna ma le faletua ma le nofoalo aua le galuega ua amatalia.

Alo ia i ou faiva le mamalu o le nofo a Kamupani o le Au Taumafai i totonu o nuu ma aulotu o le EFKAS. Ia faamanuia le Atua Silisili Ese i la outou auaunaga mo Ia ma Lona finagalo. Ia faalautele lo outou laueleele ma ia i o outou luga lona aao mana. Ia na leoleoina foi outou ai le leaga. Ia manuia le folauga o lenei tausaga. Mo Keriso ma le Ekalesia!



Edwin Galea'i FT, Peresitene  
*Mafutaga Aoao 'Au Taumafai EFKAS*

Ianuari 4, 2026: FA'AFUINA

**Manatu Autu: "O le Atua o le Vavau ma le Fa'avavau"**

*(God of Antiquity and Eternity)*

Tusi Faitau: Fa'aaliga 1: 4-8

Matua: *"O a'u le Alefa ma le Omeka, o le amataga ma le gataaga" (f.8)*

1. E taua tele le amataga
2. O fea ou te amata ai
3. Mai fea le i'uga lelei?

Ianuari 11, 2026

**Manatu Autu: "Loto tele ma fa'atali i le Alii"**

*(Take heart and wait upon the Lord)*

Tusi Faitau: Salamo 27: 7-14

Matua: *"Ina fa'atalitali atu ia i le Alii, ina loto tele ia, e fa'amalosia foi e ia lou loto." (f.14)*

1. Taofiofi, aua le soona natinati
2. Fesili muamua a o le i faia se mea
3. Tuu i le Alii lou loto

Ianuari 18, 2026

**Manatu Autu: "E tasi lava i ta'ua" (We are One)**

Tusi Faitau: Kenese 2:18-25

Matua: *"O le ivi lava lenei o o'u ivi ma le a'ano o o'u aano, e taua o ia o le fafine, aua na toina atu o ia ai le tane." (f.23)*

1. Malamalama i lou amataga
2. O ai a'u, a o ai oe?
3. O le fealofani e tupu ai le malosi

Ianuari 25, 2026

**Manatu Autu: "Aua ne'i fa'ata'ita'i i le leaga" (Do not imitate evil)**

Tusi Faitau: Teuteronomie 18: 6-13

Matua: *"A e o'o atu i le nuu ua foaiina mai e le Alii lou Atua ia te oe, aua nei e fa'aa'oa'o ona fai e pei o mea inosia a ia nu'u." (f. 9)*

1. Aua le suia le poloaiga a le Atua
2. Ia manumalo le lelei
3. Aisea e liliu ese ai

Fepuari 1, 2026: FA'AFUINA

**Manatu Autu: "E iloa le laau i ona fua"**

*(A tree is known by its fruit)*

Tusi Faitau: Mataio 7: 13–20

Matua: *“E le mafai e le laau lelei ona fua mai i fua leaga, e le mafai foi e le laau leaga ona fua mai ni fua lelei.” (f.18)*

1. O le a le mana’o o le faifa’atoaga?
2. O fea tonu e ola lelei ai le fatu?
3. Aisea ua fua mai ai fua leaga?

Fepuari 8, 2026

**Manatu Autu: “E i ai pea le Alii i ou luga”**

*(The Lord’s presence is upon you)*

Tusi Faitau: Esoto 23: 20–25

Matua: *“Fa’auta ou te auina atu le Atua i ou luma, na te tausia oe i le ala, na te fa’aoo atu foi ia te oe i le mea na ou saunia.” (f.20)*

1. O le Atua le fa’atonu folau
2. O a fili o le ala?
3. Aisea e sese ai malaga?

Fepuari 15, 2026

**Manatu Autu: “Ua o’o mai lou malamalama”** *(Your light has come)*

Tusi Faitau: Mataio 4: 12–16

Matua: *“O le nuu sa nofo i le pouliuli ua latou iloa le malamalama tele, o i latou foi sa nonofo i le nuu ma le ata o le oti, ua alu a’e le malamalama ia te i latou.” (f.16)*

1. Ala ia ua ao
2. Ua i ou lima le ola
3. Aua ne’i melea manu

Fepuari 22, 2026

**Manatu Autu: “O le amo e māmā ai avega”**

*(The yoke that makes burdens light)*

Tusi Faitau: Mataio 9: 25–30

Matua: *“Ia outou amoina lau amo ma ia outou fa’aa’oa’o mai ia te au, aua o a’u le agamalu ma le loto maulalo, ona maua lea e outou le malologa mo outou agaga.” (f. 29)*

1. Fa’aaoga le amo a Iesu
2. Ua manatu mai le Atua i lau avega
3. A mamafa le avega, sese le amo

Mati 1, 2026: FA'AFUINA

**Manatu Autu:** *“‘Aua le meleina manū” (Do not turn away blessings)*

Tusi Faitau: Mareko 6: 1–6

Matua: *“Ona le mafai lea e ia ona fai o se vavega i lea mea, na o nai tagata mama'i toaitiiti ua ia fa'ae i ai ona lima ma fa'amaloloina.” (f.25)*

1. 'Aua le fa'amaumau manuia
2. E mana'omia e le ma'i le foma'i
3. E sa ona teena le Fa'aola

Mati 8, 2026

**Manatu Autu:** *“E sauāina le fa'atuatua” (Believers are persecuted)*

Tusi Faitau: 2 Timoteo 3: 10–17

Matua: *“O i latou uma foi o e loto ina nonofo ma le amio Atua ia Keriso Iesu, e sauaina i latou.” (f.12)*

1. E malosi le fa'atuatua i lo le puapuaga
2. 'Aua le 'alo i le fili
3. 'Amuia e sauāina ona o le tumau i le Alii

Mati 15, 2026

**Manatu Autu:** *“Taofi le poto moni” (Hold on to true Wisdom)*

Tusi Faitau: Iakopo 3:13–18

Matua: *“E le o le poto lenei ua alu ifo mai luga, a o la le lalolagi ia, o le mea fa'aletino, o le fa'atemoni ia.” (f. 15)*

1. E iloa le poto i le amio
2. E le toilalo le poto moni
3. Ia leoleo lelei le poto

Mati 22, 2026

**Manatu Autu:** *“E tupu mea avea” (Giving multiplies)*

Tusi Faitau: 1 Tupu 17: 8–16

Matua: *“E le uma le kate falaoa e le fa'aitiitia le suauu i le fagu, seia oo i le aso e foaina mai ai e le Alii le ua i le eleele.” (f.14)*

1. E tauia le alofa
2. E mamulu mea uma i le suafa o le Atua
3. A usitai ona vaai lea i vavega

Mati 29, 2026 – Aso Sa Laupama

**Manatu Autu:** *“E sa'olele le silafaga a le Atua” (God sees Rightly)*

Tusi Faitau: 1 Samuelu 16: 1–7

Matua: *“Aua e le vaai le Alii pei o le vaai a tagata, aua e vaai tagata i le tino, a e vaai le Alii i le loto.” (f. 7)*

1. E tatau ona ou vaai mamao
2. ‘Aua nei tauaso ou mata
3. E silafia e le Atua o mea uma

Aperila 5, 2026: FA’AFOUINA – Aso Sa Toetu

**Manatu Autu: “E loto maualalo ae le to’ilalo”**

*(Humbleness is not defeat)*

Tusi Faitau: Isaia 42: 1–9

Matua: *“E le mu itiiti o ia e le gapepe foi o ia, e fa’atalitali foi nuu tu matafaga i lana tulafono.” (f.4)*

1. O lalo e saili ai malo
2. O loo fa’atali le lalolagi i lana amiotonu
3. O lē agamalu e fai mo ia le nuu

Aperila 12, 2026

**Manatu Autu: “O fanau a le Agaga”** *(Children of the Spirit)*

Tusi Faitau: Roma 7: 12–18

Matua: *“Aua o i latou uma ua taitaiina e le Agaga o le Atua, o atalii i latou o le Atua.” (f. 14)*

1. O ai lou ta’ita’i?
2. E iloa fa’apefea fanau a le Atua?
3. Aisea e mauagata ai se avanoa o le Agaga

Aperila 19, 2026

**Manatu Autu: “Ua mavae mea tuai, ua fa’afouina mea uma”**

*(The old has gone all things are made new)*

Tusi Faitau: Kenese 9: 8–17

Matua: *“Ou te fa’atumauina lava lau feagaiga ma outou, e le toe fa’atumatia lava meaola uma i le vai e leai foi se toe lolo e fa’atumatia ai le lalolagi.” (f. 11)*

1. E sili le alofa o le Atua i lo o lona toasa
2. E le tuua e le Atua le tagata ia sese pea
3. E le galo i le Atua lana feagaiga

Aperila 26, 2026

**Manatu Autu: “Talitonu i le mau ma tala’i”**

*(Believe in the Word and practice it)*

Tusi Faitau: Galuega 10: 34–41

Matua: *“O molimau foi matou i mea uma lava na faia e ia I le nuu o Iutaia atoa ma Ierusalema.” (f. 39)*

1. E ofoofogia le alofa o le Atua
2. Molimau i galuega ua faia
3. Ua ou talitonu, ma ua ou fiafia e tala'i le tala o le ola

Me 3, 2026: FA'AFUINA

**Manatu Autu: “E le foua le malosi o le Atua”**

*(God's strength is undeniable)*

Tusi Faitau: Salamo 118: 5–9

Matua: *“O loo ia te au le Alii, ou te le fefe; se a se mea e faia e tagata ia te au?” (f. 6)*

1. A 'au ma le Alii, o ai e fa'asagatau mai?
2. A fa'atuatua i le Alii ona manumalo lea
3. Tuu lou ola i le Alii, 'aia e te te'a ese ai

Me 10, 2026: Aso Sa o Tina

**Manatu Autu: “E mapu pe a fo'i i le Leoleo Mamoe”**

*(Return to the Shepherd and you will find rest)*

Tusi Faitau: 1 Peteru 2: 18–25

Matua: *“Aua o outou sa fa'apei o mamoe na se, a o lenei ua toe liliu mai outou i le na te leoleoina ma tausia o outou agaga.” (f. 25)*

1. E vave mapu pe a vave ona foi
2. Aua le se umi nei fano i nuu ese
3. E fa'atali pea le leoleo alofa

Me 17, 2026

**Manatu Autu: “E tauia le galuega lelei”**

*(Good works will receive a reward)*

Tusi Faitau: Ruta 2: 10–14

Matua: *“Ia totogi e le Alii i lau galuega, ia tuuina mai ia te oe se tau'i tele mai i le Alii le Atua o Isaraelu, ua e sau e fa'atuatua i lalo o le paolo o ona apa'au.” (f. 12)*

1. Galue lelei ma auauna ma le Alofa moni
2. E tautala galuega
3. E taugata le Alofa

Me 24, 2026

**Manatu Autu: “O le Agaga, o le pule ma le mana”**

*(The Spirit, Power, and Authority)*

Tusi Faitau: Sakaria 4: 1–6

Matua: “E le o le fitafita e le o le malosi a o lou Agaga, ia fetalai mai ai le Alii o ‘Au.” (f. 6)

1. Ia fa’alagolago i le Atua a e le o lou malosi
2. A taitaiina e le Agaga o le Atua, ona saogalemu lea o o ta tino
3. Fa’atoa e lagona le Atua, pe a mafuta atu ia te ia i le Agaga

Me 31, 12026

**Manatu Autu: “Ia fa’alologo, usita’i, ma fa’afetai”**

*(Be still, obey, and give thanks)*

Tusi Faitau: Iopu 1: 13–22

Matua: “Ua fai atu foi o ia, na ou sau le lavalava mai le manava o lo’u tina, o le a ou foi atu i ai ua le lavalava, na foaiina mai e le Alii, ua ave-eseina e le Alii, ia fa’amanuina le suafa o le Alii” (f. 22)

1. A malamalama, ona filemu lea
2. A fa’atuatua ona mama lea
3. A ua malie, ona vivii lea

Iuni 7, 2026: FA’AFUINA

**Manatu Autu: “A lagona le alofa, e le toe liliu le loto”**

*(With love, the heart does not waver)*

Tusi Faitau: Iosua 24: 14–17

Matua: “Ona tali mai ai lea o le nuu ua fa’apea mai, Ia mamao lava ia te i matou ona matou tuua le Alii, ina ia auaua i atua ese.” (f. 16)

1. E tupu le usitai pe a vaai pea i le alofa
2. E aoga le aoaiga e tupu ai le salamo
3. E le mafai ona fa’atusaina le Atua i tupua

Iuni 14, 2026

**Manatu Autu: “E mamafa le to’ilalo i le leaga”**

*(Defeated by evil is a heavy burden)*

Tusi Faitau: Salamo 51: 1–5

Matua: “Aua ua ou iloa e a’u lo’u solitulafono; e le aunoa foi ona i ai i ou luma o lau agasala.” (f.3)

1. E mamafa le agasala
2. E tu mai pea i ou luma ou solitulafono

3. E fa'apefea ona ou saoloto mai lenei puapuaga?

Iuni 21, 2026 – Aso Sa o Tama

**Manatu Autu: “Ia susulu i le mea maualuga”**

*(Shine brightly from on high)*

Tusi Faitau: Mataio 5: 13–16

Matua: *“O outou o le malamalama o le lalolagi outou. E le mafai ona lilo le aai ua tu i luga o le mauga.” (f. 14)*

1. Ua suluia i tatou i le pupula o le Alii
2. Ua tuuina mai le galuega mo i tatou
3. Fa'ailoa le malamalama i le lalolagi

Iuni 28, 2026

**Manatu Autu: “E fa'amasino le Atua i lo ta va”**

*(God will judge between us)*

Matua: *“Ia fa'amasino e le Alii ia te i taua nei ma oe, ma ia tau ai e le Alii ia te oe ona o au; a o lou lima e le oo lea ia te oe” (f.12)*

Tusi Faitau: 1 Samuelu 24: 10–15

1. O loo fa'amasino mai i taua e le Atua
2. Onosai, e fai lava e le Atua le iuga
3. Ia fa'amagalo atu i e ua agaleaga mai

Iulai 5, 2026 – FA'AFUINA

**Manatu Autu: “Fa'a-So'o Moni o Keriso” (True Discipleship of Christ)**

Tusi Faitau: Luka 5: 1–12

Matua: *“Ua latou tuta o latou vaa, ona latou tuu ai lea o mea uma, ae mulimuli atu ia te ia.” (f.11)*

1. O le galuega fa'a-soo moni o le Alii, e leai se taimi malolo
2. E lafoai le lalolagi ma ona tuinanauga, ae amo lou satauro ma mulimuli ia Keriso
3. E luitauina ae fa'amanuiaina

Iulai 12, 2026

**Manatu Autu: “O Iesu ma Puapuaga” (Jesus and sufferings)**

Tusi Faitau: Isaia 53: 1–5

Matua: *“A ua manu'a o Ia ona o a tatou solitulafono, ua momomo o Ia ona o a tatou amio leaga, o le aod'iga e filemu ai i tatou sa i ona luga lea, o ona fa'alavalava foi ua malolo ai i tatou” (f.5)*

1. E le'i afio mai Iesu e aveese o tatou puapuaga

2. Na fa'aaoga e Iesu tiga, e fa'asaoloto ai i tatou mai puapuaga
3. O puapuaga, o fa'amalositino sili ia o le ola Fa'atuatua

Iulai 19, 2026

**Manatu Autu: "Ia fa'aaoga lelei avanoa uma mai le Atua"**

*(Take advantage of every opportunity from God)*

Tusi Faitau: Kenese 18:1-10

Matua: *"Ua fa'apea atu foi o ia, Le Alii e, afai ua alofaina mai nei au e oe, aua nei e maliu loa ia te au lau auauna; sei aumaia sina vai e mulumulu ai o outou vae, ma outou malolo i lalo o le laau." (f.3&4)*

1. A maua loa avanoa mai le Atua, fai loa
2. E le iloa lava ala o le Alii
3. Aua nei masalosalo i folafolaga a le Alii

Iulai 26, 2026

**Manatu Autu: "O taimi faigata o le Olaga" (Hard times in life)**

Tusi Faitau: Teuteronomie 6: 10-15

Matua: *"Ia 'oe, nei galo ia te 'oe le Alii na aumaia 'oe nai le nuu o Aikupito, o le mea sa nofo pologa ai." (f.12)*

1. Taimi e mativa ai
2. Taimi e fa'amanuiaina ai
3. O le Atua o taimi uma

Aukuso 2, 2026 – FA'AFUINA

**Manatu Autu: "E le tuulafoaiina e le Atua ona tagata"**

*(God never abandons his people)*

Tusi Faitau: Hosea 11: 1-12

Matua: *"Efaraima e, ou te mafai fa'apefea ona tuu atu ia te oe? Isaraelu e, ou te tuuina atu oe fa'apefea? Ou te mafai fa'apefea ona tu'uina atu o oe e pei o Atama? Ou te tuuina atu oe fa'apefea e pei o Sepoima? Ua liua lo'u loto i totonu ia te au; atoa foi ma lo'u alofa mutimutivale ua tupu." (f.8)*

1. O le Atua e soifua e fa'avavau
2. O le Atua o le alofa fa'avavau
3. O le Atua e auai e fa'avavau

Aukuso 9, 2026

**Manatu Autu: "Fa'atuatua ma Galuega" (Faith and works)**

Tusi Faitau: Iakopo 2: 14-17

Matua: *“E fa’apea foi le fa’atuatua, pe a afai e le i ai ni galuega, e mate lava ia ina ua na o ia” (f.17)*

1. E ta’uamionuina i le Fa’atuatua
2. E fa’amasinoina i galuega
3. Fa’atuatua e fai lona tino i Galuega

Aukuso 16, 2026

**Manatu Autu: “O se Ta’ita’i alofa”** *(A compassionate leader)*

Tusi Faitau: Isaia 58: 9–14

Matua: *“E taitaiina foi oe e le aunoa e le Alii, e fa’amalie foi o ia ia te oe pe a oge vai, ma fa’amalosia ou ivi; e avea foi oe e pei o se fanua ua fa’asusuina, e pei o le punavai foi e le mate ona suavai.” (f.11)*

1. Ia taitai tagata i le mea e manuia ai
2. Aua le manatu fa’apito, ae amanaiaina lagona o tagata uma
3. O le punavai ola mo le ua mafatia

Aukuso 23, 2026

**Manatu Autu: “Fa’afitauli ma Tiga o le Ola”**

*(Problems and hardships of life)*

Tusi Faitau: Mataio 11: 25–30

Matua: *“Ia outou o mai ia te a’u, o outou uma o ē tigaina ma mafatia i avega, o a’u fo’i e malolo ai outou.” (f.28)*

1. Sa’ili i le Atua i mea ua tiga ai
2. Ave’ese le lē mautonu
3. Ia mau’a pea le fa’atuatua

Aukuso 30, 2026

**Manatu Autu: “Alofa Fa’amaoni”** *(True love)*

Tusi Faitau: Hosea: 11: 1–9

Matua: *“Efaraima e, ou te mafai fa’apefea ona tu’u atu i a ‘oe? Isaraelu e, ou te tu’uina atu ‘oe fa’apefea? Ou te mafai fa’apefea ona tu’uina atu ‘oe pei o Atama, e pei o Sepoima. Ua liua lo’u loto i totonu i a te a’u, atoa foi ma lou alofa mutimutivale ua tupu” (f.8)*

1. Naunau atu a e fultua mai
2. E le tu’ua e alu, fa’atea, pe fa’aleaga foi
3. Le Atua e tumau, a e suia lona finagalo ona o le tagata ia sao

Setema 6, 2026 – FA’AFUINA (Aso Sa Tala Lelei)

**Manatu Autu: “E mai le Mea Moni le Sa’olotoga”**

*(Freedom is from the Truth)*

Tusi Faitau: Ioane 8:31–38

Matua: *“E iloa foi e outou le mea moni, e tuu saoloto foi outou e le upu moni.” (f.32)*

1. Fai le amiotonu
2. O le Atua Fa’aali
3. ‘Aua le fefe e ta’utino le mea moni

Setema 13, 2026

**Manatu Autu: “Tatalo mo Isi”** (*Pray for others*)

Tusi Faitau: Kolose 1:3–10

Matua: *“Ma te fa’afetai atu i le Atua, o le Tama o lo tatou Alii o Iesu Keriso i a ma talosaga e le aunoa mo outou.” (f.3)*

1. Tatalo ina ia faia le finagalo o le Atua i o tatou ola
2. Tatalo ina ia fua mai i galuega lelei le faia o le finagalo o le Atua
3. Tatalo ina ia tupu pea le iloa lelei o le Atua

Setema 20, 2026

**Manatu Autu: “Ta’u atu le mea moni”** (*Speak the truth*)

Tusi Faitau: Ioane 8: 31–38

Matua: *“E iloa fo’i e outou le mea moni, e tu’u sa’oloto foi outou e le Upu moni” (f.32)*

1. Ana iloa lava e ta’u
2. Ana iloa lava e le ta’uina
3. O mea taua e faigata ona fai i ai se tala

Setema 27, 2026

**Manatu Autu: “O Fua o le Alofa”** (*Fruits of love*)

Tusi Faitau: 1 Korinito 13: 1–7

Matua: *“O le alofa e lavātia mea uma, e leai se mea e gata mai ai lona fa’atuatua, ma lona fa’amoemoe ma lona onosai” (f.7)*

1. Onosai ma agamalū
2. Ia lē losilosi vale ma mana’o pea
3. Ia tutumau i le fa’atuatua

Oketopa 4, 2026 – FA’AFUINA

**Manatu Autu: “O fanau, o meaalofa mai le Atua”**

*(Children are gifts from God)*

Tusi Faitau: Salamo 127: 3–5

Matua: *“Fa’auta, o le fanau o le tofi lea mai le Ali’i; o ē ua fanau mai, o le tau i lea mai ia te ia” (f.3)*

1. A'oa'o le tama e tusa ma ona ala
2. O tama a manu, e fafaga i fuga o la'au, a o tama a tagata, e fafaga i upu ma tala
3. Ia malu fanau i le alofa

Oketopa 11, 2026 – Lotu a Tamaiti

**Manatu Autu: “Ta’ita’i fanau i le Atua”** (*Lead children to God*)

Tusi Faitau: Mareko 10: 13–16

Matua: “*Ina tu’u mai ia o tamaiti e o mai ia te a’u, ‘aua le vavao ia te i latou.*” (f.14)

1. Ia ta’uta’u atu le Atua i fanau
2. Ia tapenaina le lotoifale o le fanau
3. Ia vaioa fanau i mea e leaga ai.

Oketopa 18, 2026

**Manatu Autu: “E le fa’aleagaina e le afi le auro”**

(*Fire cannot destroy gold*)

Tusai Faitau: Malaki 3: 1–3

Matua: “*E nofo o ia, o le tunu ma fa’amama i le ario, na te fa’amamaina le fanauga a Levi, na te fa’ate’a ese foi le ‘ele’ele ia te i latou e pei o le auro ma le ario, latou te avatu ai i le Alii le taulaga e fai i le amiotonu*” (f.3)

1. E fa’amama le auro i le afi
2. Na o le otaota e susunu ma mu i le afi
3. Na o le Atua na te silafia le a’asa o le afi mo le auro

Oketopa 25, 2026

**Manatu Autu: “E tasi lava le Atua”** (*There is only one God*)

Tusi Faitau: Esoto 20: 1–6

Matua: “*Aua nei e fai mo oe ni atua ese i o’u luma.*” (f.3)

1. Ia tausiusi i tulafono a le Atua
2. Ia taumamao ma mea fa’afiafia o le ola
3. E lē o le ‘oa ma le tamaoiga.

Novema 1, 2026 – FA’AFUINA

**Manatu Autu: “Ia fa’alatele le Malo o le Atua”**

(*Let the Kingdom of God grow*)

Tusi Faitau: Isaia 54: 1–10

Matua: *“Ia fa’alautele le mea e tu ai lou fale ‘ie, ia faloina ie puipui o mea e te nofo ai, ‘aua e te fa’aitiitia, ia fa’aumiumiina au maea, ma ia malolosi au fao” (f.2)*

1. ‘Aua le fuapauina lau galuega alofa
2. A o ia te ‘oe le mafai, fai le mea sili
3. Ia lava saunia lou onosai, e tupu tele ai le Malo o le Atua

Novema 8, 2026

**Manatu Autu: “O mea lilo o le ola tumau ia Keriso”**

*(The secrets of steadfastness in Christ)*

Tusi Faitau: 1 Korinito 15: 51–58

Matua: *“O lenei ou uso pele e, ia outou tumau ma le le fa’agaetia, ia alualu lo outou fa’amalosi i le galuega a le Alii ma le le aunoa, ina ua outou iloa e le o se mea fa’aleaoga lo outou tautiga i le Alii.” (f.58)*

1. Tatalo e le aunoa
2. Galulue fa’atasi ma le Alii
3. Ia manumalo i tofotofga ma fa’afitauli uma

Novema 15, 2026

**Manatu Autu: “O le aiga e atia’e i le tatalo”**

*(Family that builds upon prayers)*

Tusi Faitau: Kolose 4: 2–6

Matua: *“Ia outou finafinau i le tatalo.” (f.2)*

1. Ia moe manatunatu i Tatalo
2. Tatalo mai lou loto
3. Tatalo mo lou ola atoatoa

Novema 22, 2026

**Manatu Autu: “‘Aua ne’i galo fa’amanuiaga a le Atua”**

*(Do not forget God’s Blessings)*

Tusi Faitau: Salamo 103: 1–5

Matua: *“Lo’u agaga e, ia e fa’amanū atu i le Ali’i, ‘aua fo’i nei galo se mea e tasi o ana mea alofa.” (f.2)*

1. O le ola ma fa’amanuiaga
2. Ia e fa’amaoni i ou faiva
3. Ia lē muta le ola vivi’i.

Novema 29, 2026

**Manatu Autu: “O Iesu le Fai-faiva” (Jesus the Fisherman)**

Tusi Faitau: Ioane 21: 1–14

Matua: *“Ua fetalai atu o Ia ia te i latou, “Ina lafo ia le upega i le itu tau-matau o le vaa, ona outou maua ai lea.” Ona latou lafo lea, a ua le toe mafai e i latou ona toso a’e, ona o taumafa o i’a” (f.6)*

1. E ‘asa o tatou faiva pe a aunoa ma le Alii
2. E le o le papa’u po o le loloto e maua ai i’a, a o Iesu le Tautai
3. Na o e folau i vasa latou te iloa le mamalu o le Atua

Tesema 6, 2026 – FA’AFUINA

**Manatu Autu: “Na totoina ma le fa’amoemoe”**

*(Planted with an intention)*

Tusi Faitau: Salamo 80: 14–19

Matua: *“O le pogai lava na totoina e lou a’ao taumatau, o le atalii fo’i na e fa’amalosia mo ‘oe” (f.15)*

1. Na ola pea i le ‘ele’ele le pogai o le vine, na totoina e le Atua
2. Na te toe asia i ona lava taimi e tatau ai
3. E le aveesea le fa’amoemoe ola na mafua ai

Tesema 13, 2026

**Manatu Autu: “Tapena o tatou tagata mo le Atua”**

*(Prepare ourselves for the Lord)*

Tusi Faitau: Ioane 1: 9–23

Matua: *“Ona fa’apea atu ai lea o ia. “O a’u o le leo o lē alaga i le vao. Ina Fa’alaulelei ia le ala o le Ali’i, fa’apei ona fai mai o le Perofeta o Isaia.” (f.23)*

1. Ia tapena o tatou loto mo le Ali’i
2. Ia suatia pa vaeloto o le faitaga’i
3. Alofa i lou tuaoi
4. Ia atagia i o tatou ola le alofa o le Atua

Tesema 20, 2026

**Manata Autu: “O faiga a le Atua” (God’s doing)**

Tusi Faitau: Mataio 1: 17–25

Matua: *“Sa fa’apea ona fanau mai o Iesu Keriso. Sa faufau tane lona Tina o Maria ia Iosefa ua iloa ua to o ia i le Agaga Paia, a o le’i fa’atasi i laua” (f.18)*

1 O Maria le Taupou

2 Na totoina le fatu e le Agaga Paia

3 O le Atalii o le Atua, o le atalii foi o le tagata

Tesema 27, 2026

**Manatu Autu: “O le meaalofa silisili”** (*The greatest gift of all*)

Tusi Faitau: Ioane 3: 16–21

Matua: *“Auā ua fa’apea lava ona alofa mai o le Atua i le lalolagi, ua ia aumai ai lona Atali’i e to’atasi ina ia le fano se tasi e fa’atuatua ia te ia, a ia maua e ia le ola fa’avavau.” (f.16)*

1. O le alofa ua atoatoa
2. O le alofa fa’amagalo
3. O le alofa e lē fa’apito

\*\*\*\*\*

### **Ta’utinoga ‘Au Taumafai**

“Ua ou fa’amoemoe i le fa’amalosi mai o Iesu Keriso ia te a’u. O lenei, ou te ta’utino i le Alii, o le a ou taumafai ona fai o mea uma e tusa ma Lona finagalo. O le a ou faia ma tulafono i lo’u ola: ou te tatalo ia te ia i aso uma; ou te faitau i Lana Afioga i aso uma; ou te ‘alo ese i inuga ava o’ona i aso uma lava; ou te lagolago i galuega ma tapuaiga a le Ekalesia i so’o se ala ou te mafai ona ou faia. Ma, i lo’u olaga atoa, o le a ou taumafai i lo’u iloa atoatoa, ona ola i le soifuaga Kerisiano mo Keriso,

Amene.”



**Tautua Printing Press**  
1 Kanana Fou St, P.O. Box 1537  
Kanana Fou, American Samoa 96799  
(684) 699-9810  
<https://efkas.org>